

آبونه شرائطی

ممالك عثمانیه ده سنه لکی (۶۵)، التي
آیلغو (۲۵۱) غروشدور .

ممالك احصیه ده سنه لکی (۱۷)، التي
ایانی (۹) قرانقدر .

اداره خانه

باب عالی جاده سنده دائرة مخصوصه

اضطرابات

آینه بدلی پشندور .

§

مملکه موافق آثار مع الممنونیه قبول
اولنور . درج ابدله بن یازیلر اعاده
اولونماز .

سنگین مالک

۱۳۳۰

دینی، فلسفی، علمی، ادبی، سیاسی هفته لک مجموعه اسلامیہ در.

والله یهدی من یشاء الی صراط مستقیم

صاحب و مدیر مسئول: ح. اشرف ادیب

اتبعون اهدکم سبیل الرشاد

عدد ۲۸۲

۹ ربیع الاول ۱۳۳۲

پنجشنبه

۲۳ کانون ثانی ۱۳۲۹

جلد ۱۱

اضطرابات

رساله من آن امدیغی کو- ترمک شرطیله
بتون یازیلر هر هانکی بر غزته طر قندان
انتباس اولونه بیلیر .

§

مکتوبلرک، امضالرک واضح و اوقوناقلی
اولمسه و آبونه صبره نومروس محقری
بولونمس لازمدر .

§

ممالك اجنبیه ایچون بونه دالر
درسلیرشک فرانسزجه ده یازلمدی دحا
اولنور .

§

پاره کوئدرالیدیکی، ان نه یه د تر ولدیغک
واضحا بیلدیلمی دحا اولنور .

عجبا اساس اعتبار به دیناری بو صورتله چالشمه لرینه مساعد اولیان غربیلر ، مسلمان مملکتلرینه بو قدر حلول ایدر ، بو سایه ده بر چوق یلری ده مستعمر لرینه الحاق ایدرلر ، میلیونلرجه اسلامی زیر تحکملرینه آلیرلر مسلمانلرکالی بوکرنده طورملری ، « قدر » نه ایسه او یله اولور دیمه لرلی صحیح اولورمی ؟ محکمه کبراده بویه دیمکه قورتولا . بیه جکارمی ؟ اولر آلا بیلدکلرینه چالشدقبری حالد مسلمانلرک کوشه عطالته چکیله رک « آلیزدن مملکتلریمزلی جبراً آلورسکز » دیه اوروپالیر طعن وتشیع ایتلری موافق عقل می ؟ آلیزده رهبر نجاتمز اولان قرآن ، ارضی انمار ایدک ، کیم انمار ایدرسه ارضه او صاحب اولور دیمورمی ؟ « ان الارض یرثها عبادی الصالحون » . اسباب سعادتکزی اهل ایدوبده کندیکزی تهلکه به القا ایتیه ک دیمورمی ؟ باشمزه کلن فلاکتلردن طولای بشقه لرینی دکل ، کندیمزلی توبیخ ایتک لازمکلیکنی قرآن خبر و یرمیورمی ؟ . بناء علیه مسلمانلر چکدکلری فلاکتلرک مسیبه یه کندیلری اولدیغنی کلا یه رق اوکا کوره چالشمه لیدرلر . والا صوکه موجودیتلری ده تحت تهلکه به در . « وما اصابکم من مصیبه فمأ کسبت ایدیکم ویغفوا عن کثیر »

آفسر کبلی احمد محمدی

مسلمانلرکده بر ملیت وار

[۳]

دین جلیل محمدینک (علیه الصلاة والسلام) عربلردن صوکر بلکه عربلر قادار خادم و ناشری اولان بو محترم ، بو عظیم النفس ، بونداکار ، ارطغرل اولادینک سبیل خروشان کبی سینهلرندن فیشقیران سودای دینک ، عشق محمدینک (علیه الصلاة والسلام) اک پارلاق ، اک نظر فرب شاهدلرندن بری ده فردوس آشیان سلطان احمدخان اول حضرت تلیزینک عمامه خلافتارینه آصدیقاری (صورغوج) در . بومبارک (صورغوج) قدم اقدس نبوینک (علیه الصلاة والسلام) رسمی ترسیم وزاده طبع هایونلری اولان :

نوله تاج کبی باشمده کوتورسم دائم

قدیمی رسمیدر حضرت شاه رساک

کل کلزار نبوت اوقدم صاحبیدر

بختیار دورمه یوزک سور قدیمیه اوکاک

قطعه غراسنی یازدیر مشلردر .

شوکتلو خلیفه اسلام افندیمز حضرت تلیزینک والد ماجد هایونلری جنتمکان غازی عبدالمجید خان حضرت تلیزینک ، روضه مطهره خاتم الانبیاء (علیه الصلاة والسلام) افندیمز حضرتلری اوقادار شدتلی بر عشق عبودیتله مربوط ایدیلر ، که او مهجر ابدی الاشهار محمدیدن (علیه الصلاة والسلام) شرف وارد اولان معروضات رسمیه و خصوصیه یی اسماع بو یورمق ایچین ایاغه قالسارلر و بیت الهی به متوجه بر وضعیت تکریم وتقیدس آلیرلردی .

مدینه منوره نک وبالخاصه روضه مطهره نک تعمیر و تزیینی ایچین برقاج ملیون لیرا صرف بو یورملری ، هله روضه مطهره نک غبطه بخش آسمان اولان

زمین پاکنه دوشمنک ایچین بالخاصه اعمال ایتدکلری چینی لریک هر بری آلتنده « کناهکار عبدالمجید » عباره عشق و غرامنی یازدیرملری سلطان کشورلولاک « علیه الصلاة والسلام » افندیمز حضرتلرینه نه آتشین بر روح ایمان وتصدیق ایله مربوط بولوندوقلرینه کونش قادار پارلاق بر رهاندر . عثمانلی تاریخی آچیلرده هانکی صحیفه سنده سلاطین ماضیه حضرتانک بوقبیل مناقب دیانت و ملیت پرورانه لرندن بری اوقونماز ؟

عثمانیلرک اوچ عصردن برودوام ایتمکه اولان انحطاطی و خصوصیه شوصوکه فلاکت مغلوبیتک اسبابی آراسنده دیانت و ملیت قارشلی آلدقبری وضع لاقیدانه یی بوکون آوروپالیر بیه یوزلرینه چار پیورلر . فرانسرلر کبی فوقزده کی قدرت قاهره صمدانیه یی اونوتاراق مغرط بر غرورایله باشلامق جنایتده بولوندیغمز شو مشوم حربک قان و آتش طوفانلری نؤنده چانالجه یه قدر نصل قاچدیغمز بیه مدک . جناب حق (جل شانہ) او مغرور و متعظم بورنومزلی زمین تذلل و احتقاره سورندوردی . بزلی « آمان...! » دی به درگاه مرخته ال آچدیردی . صوکراده چانالجه حربی قازاندیردی دکللی ؟ اجنبی مخبرلری غزته لرینه « چانالجه حربنده الله ، مسلمانلرله برابر ایدی ! » دی به یازدیلر . بونه معنیدار براخبار ایدی ! دیمک چانالجه یه قادار الله مسلمانلرله برابر دکلش . حتی بونی او اجنبیلر بیه بیابورلر مش ! نصرت حق بولونمدیغنی طرفک دائماً مغلوب اولاجغنه قناعت وجدانیه لری وارمش ! زهی انطاق حق !

هله ادرنه نک استردادی مسئله سنده اوروپانک اورعد و برق طراقة غیظ و تهویریه اسماعی صاغیر ایتکه ، اذهان وافکاری اضلاله . چالیشان تهدیدات صلیب پرستانه سنه قارشلی اسلامیه ، سلطان سلیم جامع شریفنه اوقادار صاریلدق ، ادرنه نک بر سواد اسلام اولدینی ادعاسیله اوقادار باغیردیق ، که آرقالیدی سسمز قیصیلوردی ! اوجامع شریفه حسرت یاشلریله او قادار جرارتلی تقدیس خطابه لری ، وداع مرثیه لری یازدیق ، که کوزلریمز رؤیتدن بری اولیوردی ! او صروده اسلامیه صیغمنش ، حقوقری یالکز اسلامیه مدافعه چالشیوردیق ! تورکلک ی هیچ ده خاطر مزه کتیرمیور ، بلکه کتیرمک بیه ایسته میوردیق !

یاشمدی نه اولیوروز ، نه یه کیدیوروز ؟ قوه و قدرتک ، سلامت و سادتک وحدت ملیه اسلامیه ده اولدیغنی بیلرکن نه دن اوقوتی پارچه لامعه ، بوتون بوتون دوشورمکه چالشیوروز ؟ کورد ، لاز ، چرکس ، کورجی الخ بونجه اقوام و عناصر تورکلکه می مربوط ، یوقسه اسلامیه می ... ؟ هرکس جامعله قومیت دویغوسیه می کیوریور ، یوقسه اسلامیت ، مؤمن و موحد حسیله می ؟ مساجد آلهمیه نک قومیتله ، عنصریته هیچ بر مناسبتی وارمی ؟

اخوت ، اتحاد ، قومیتده می ، یوقسه دیانته ، ایمان واسلامده می ؟ جناب حق « انما العرب .. انما الترك ، انما الکرد الخ ... اخوة » می دیور ؟ یوقسه اخوت عامه یی ایمان بالله حص ایدرک « انما المؤمنون اخوة » می بو یوریور ؟

کچنلرده علماز مره سندن کچین صاریقلی بر کورجی تورکلک علیهنده او یله

هندلیلرک بونجه تظامراتی تورکلکه می ؟ یوقسه خلافت اسلامییه می ؟
حیات دینیہ و ملیہ نیک میدان سی وجدالنه چیقاجنار اسلام فکریله
مشبوع ، اصول وقواعد اسلامیہ ایله مجهز اولاراق آیلعلی ! تاکه
مطلوب عامه اولان نمره فوزونجات بوتون فیوضات سلامت و سعادتیه
اقتطاف اولونسون . بز ایسه ینه یاکاش یولدن کیدیوروز ، روم
ایلینک و خصوصیه آرناوودلنک دوشدوکی اوچورومه دوغرو قوشیو .
روز : بوتون اقوام و عناصر اسلامیہ (حی علی الفلاح !) زمزمه
لاهور تیسلیه آغوش توحید و اتحادینه چاغیران جامعلری میز دولدوراجعزه
« عرب ، کورد ، تورک اوجاغی ، تانار بوجاغی الخ . . . » اویاندیرمه ،
کور کوره بقیه وجودمزی لیه لیه ایتمک چالیشیوروز .

محیطمک فصل بریلان ، عقرب یوواسی اولدیغی هیچده دوشو میوروز .
بو محیط ایچنده نه بوشولرک . نه قوزمیدیلرک زهرلر قوصمقده ،
آیاصوفیه جامع شریفی محرابنه باندیرا قویقمقده نه صاریقلی منافقارک ، نه
فسلی مفسدلرک ، نه قلیجلی خائنلرک صورت حقندن فساد آتشلری یاقعه
چالشمقده اولدقلری نظر دقته آلمایوروز .

وجدان و ایمانلری بر قاج مانعده صائم دینسز ، ملتسز ، وطنسز
خائنلر بوجاهل محیطه اوتوز بشجی مادهدن مقصد بش وقت نمازله اوتوز
کون اوروجک قالدیرلسی اولدیغی ایناندریرلرسه آرتق دهها خاطر
وخیاله کلدیگ مفسدت تخملری اکیله بیله جکی تردد کورتورور حقیقتلردنمیدر ؟
عربلری تورکاردن تنفیره ، خلافت عربیه یی احیایه (!) ،
تورکلری عربلردن تبریده چالیشان و بو اوغورده صوریینه آلتون
دوکن دشمنلریزه بو قومیت و عنصریت دعوالری ، بو موهوم ملیت
برورلک ادعاری موفقیتلری تبشیر دکلده نهدر ؟ انا طولینک اوصاف
مسلمانلرینه یوزسنه تلقینات ایدیلسه ینه بو افسانه نیک برحرفی بیله قفالرینه
صوقولاماز . اولرک قبلری ، دماغلری اسلامیت نوریه دولمشدر .
بونلر تورکلکلری دهها فاتح تورکستان قتیبه نیک حضورنده شرف یاب
ایمان اولدقلری آنده اونوتمشدر . بو مساعینک نتیجه سی قوتلی بر
عکس جریانک قارشینده دورمقندن ، ابر قالمقندن عبارت اوله جقدر .
والله العظیم ، بز عربلقدن ، تورکاکدن ، کردلکدن وازکوبده جوامع شریفه یی
دولدورماز ، روح مجردکی یکوجود براتحاد اسلام وجوده کتیرمزسه ک
عربلغمز . تورکلکمز کردلکمز ، بزدن وازکچر ، اعدامز اوافاجق بروسیله
بکله یور ، بلکه بوخوف بهانه یی ایجاده چالیشیور . الحذر ! الحذر !

یاربی ! یاربی ! بوتون قوتلریله ، مضاعف غیرتلیله چالیشمقده
اولان داخلی ، خارجی دشمنلریزه قارشى بزى شودرین خواب لاقیده
براقه ! خلافت جالیله محمدیه نیک هائله سقوظنی بزه کوسترمه ! بزى
اویاندیر ، باریشدیر ، ئوپوشدور ! بزى صوک ضربه قارشینده
برلشدیر ! بنیان مرصوص کی حقیقی ، روحی برمت اسلامیہ اولاراق
اومقدس سریر خلافتی طاشیاجق اوموزلریزه قوت ، بقیه ملک قرآنی ،
ناموس استقلال اسلامی مدافعه و محافظه ایده جک قدرت و سلطوت
احسان ایله ! محمد فخرالدین

حرارتلی اسوب صاوور بیوردی ، که حیرتله مزوج تأثرلر ایچنده قالدیم .
بوزواللی ، جهل ایله اتهام ایتمکده اولدیغی تورک ملیت پرورلکی
مروجلرندن دهها جاهل ! بیک قات جاهل ! رشد و عرفاندن محروم
بوسرسمک ، ولی التمت ایمان و اسلامی اولان تورکلره قارشى بسلدیکی
اغبرار و انفعالی شخصنده قالسه هیچده اهمیتی یوق ، فقط ایواه . . . که
بو ، بیر عضویت اسلامیہ یی زهرایه جک ، ایکی دین قاردشی آراسنده
املاسی ناقابل بر اوچوروم وجوده کتیره جک . حرین بر طرفدن
علم صفت ممتازدسیله یوکسک مرتبه دن اسلامیت دعواسی ایدرکن خصمای
اسلامه اویله خدمت ایدیورکه . . . ! فقط خبری وارمی یا ؟ شو
آرناوودلردن عبرت آلامیز ؟ وحدت ملیه اسلامیہ یه قارشى جرأنیاب
اولدقلری او موهوم آرناوودلق ملیتی دعواسی نه مدھش بر فلا کته
منجر اولدی ! نه اضمحلال آور بر اوچورومدن یوارلادی ! کرچه
ذاتاً روما ، آتیه مکتبلرنده اسلامیتدن چقمش بر طاقم مرتدلر ایچین
بوفلاکت بر نعمت عدایدیلور ، ظلمت ، نوره ، موت حیات ، باطل ،
حقه ، کفر ، ایمانه ، تثلیث ، توحیده ترجیح اولویور ، فقط بونلرک
عاما سی ، حقیقی مسلمانلری ینه بر اکثریت عظیمه تشکیل
ایدیورلر . ایشته قاتولک پاپاسلرینک تلقینات ملعونانه لریله اسلامی
- حاشا - یوز قاره سی عدایدن درت یچق مرتدک تسویلات خائنه سته
قایلمه نیک مکافاتی . . . ! شمدی اسلامیه صادق قالان قسمی اومرتدلی
باشلرنده طاشیمقده نه بویوک جنایت ارتکاب ایتمش اولدقلری ا کلا دیر ،
ایرملر کی کوزلرندن قانی باشلر دوکیورلر ، یاقملری بیترتورلر ،
دیزلری دوکیورلر ، « آه . . . خلیفه عسکری ! بیردها کلزمسیکیز ؟
اکسه مزه باصیکیز ، بزه اسیرکیز کی امرلر ویریکیز ! . . . » دی یه
چیرینه یورلر ، فریاد ایدیورلر ! هیات . . . ! آرناوودلنک عید
استقلالنه خلافتک او مظلوم ، اوبی کناه عسکر جکلرینک وحشیانه
قربان ایدسنه فنوا ویرن ، کندیلرینه آرناوودلق شیخ الاسلامی ،
شورای علمیه اعضائی دوشلری کورن (سعید خواجهر) شمدی
صلیبی آرناوودلق باندیراسنی اسلام لاسینلر ، قرالریله افتخار ایستینلر ،
نامه خطبه اوقوسونلر ! شاشقینلر ! شاشقینلر ! خلافت محمدیه یی اوروپادن
چیقارمغه چالیشان صلیب ، سیزه بر اسلام امیری ، بر اسلام حکومتی
ویریر صاندیکز اویلمی ؟

« اذا کان الغراب دلیل قوم »

« سیدیم الی دارالبوار »

بدبخت آرناوودلرک وجود اسلامیتده کی بش یچق عصرلق عضویتلری
کندی ئوز یا تاغانلریله کسوب زمین ارتداده سقوظ ایتملری قومیت
ادعاسنده بولونان مسلمانلر ایچین نه فبیع برلوحه عبرتدر ! اسلامیت ،
هیچده آیرلق ، غیرباق کوتورمز . شیاریق بر قومی ایشته بویله
سینه وحدتندن فیرلایر آثار .

باقیکز ! بوتون عالم اسلام شوحر یک آجدینی فلاکت یارلرندن
متأثر ، قان آغلا یور . بوتأثر ، بوخون جکر تورکلرک مغولیتمدنمی ؟